

瘡瘍門

癰疽腫瘍潰瘍作痛作嘔出血不止肌肉不生發熱
不便不通作渴自汗下痢敷寒涼藥用刀鍼法

雜門

諸汗

多臥嗜臥不得臥不能食惡食饑不能食

不能語消瘴痰火黃瘴

目黃嘈雜

欠嚏

身重解衣

脫營失精

脫過饑胃竭

藥蟲臭毒番沙

嶺南障毒蟲中鹽毒院急救治例



張氏醫通卷九

張氏醫通卷之九

清 長洲石頑張 璐路玉父纂述

登誕先

男

倬飛疇 參訂

日本 大泉長菴前田安宅子仁

男

典子守 再訂

瘡瘍

癰疽

癰疽一科。自有專擅其術者。以是手輯醫通。獨畧此門。然

又有兼患內證。瘍醫不能措指者。因取靈素金匱明之新甫

等數條。列之本門。諸凡治例。未遑遍述。庶免瘡環同類之

誚云。

靈樞云。夫血脈營衛周流不休。上應星宿。下應經數。寒邪客於經絡之中。則血泣。血泣則不通。不通則衛氣歸之。不得復反。故癰腫。寒氣化爲熱。熱勝則肉腐。肉腐則爲膿。膿不瀉則爛筋。筋爛則傷骨。骨傷則髓消。不當骨空。不得泄瀉。血枯空虛。則筋骨肌肉不相榮。經脈敗漏。熏於五藏。藏傷則死矣。癰發於脇中。名曰猛疽。猛疽不治。化爲膿。膿不寫。塞咽。半日死。其化爲膿者。寫則合。豕膏冷食。三日而已。發於頸。名曰天疽。其癰大以赤黑。不急治。則熱氣下入淵液。前傷任脈。內熏肝肺。十餘日而死矣。陽留大發。消腦留項。名曰腦爛。其色不樂。項痛如刺。以鍼煩心者死。發於肩及臑。名曰疵癰。其狀赤黑。急治之。此令人汗出至足。不害五藏。癰發四五日。逞熇之。發於腋。下赤堅者。名曰米疽。治之以砭石。欲細而長。疎砭之。塗

以豕膏。六日已。勿裹之。其癰堅而不潰者。爲馬刀挾癰。急治之。發於胸。名曰井疽。其狀如大豆。三四日起。不早治。下入腹。不治。七日死。發於膺。名曰肝疽。色青。其狀如穀實。菰藹。常苦寒熱。急治之。去其寒熱。半歲死。死後出膿。發於脇。名曰敗疵。敗疵者。女子之病也。灸之。其狀大癰。膿治之。其中乃有生肉。大如赤小豆。剉葳蕤草根各一升。零葳連翹根各一升也以水一斗六升。煮之。竭。爲取三升。則強厚衣。坐於釜上。令汗出至足已。發於股脛。名曰股脛疽。其狀不甚變。而癰膿傳骨。不急治。三十日死。發於尻。名曰銳疽。其狀赤堅大。急治之。不治。三十日死。發於股陰。名曰赤疽。不急治。六十日死。在兩股內。不治。十日當死。發於膝。名曰疵癰。其狀大癰。色不變。寒熱如堅石。勿石。石之者死。須其柔。乃石之者生。諸癰疽之發於節而相應者。

不可治也。發於陽者，百日死。發於陰者，三十日死。發於脛，名曰兔齧。其狀赤至骨，急治之。不治，害人。發於內踝，名曰走。緩其狀，癰也。色不變，數石其輸而止其寒熱，不死。發於足上，下，名曰四淫。其狀大癰，不急治，百日死。發於足傍者，名曰厲。癰其狀不大，初如小指，發急治之。去其黑者，不消輒益，不治。百日死。發於足指，名脫癰。脫一名疽其狀赤黑，死不治。不赤黑，不死。不衰，急斬之，不則死矣。

營氣稽留於經脈之中，則血泣而不行。不行，則衛氣從之而不通。壅遏而不得行，故熱。大熱不止，熱勝則肉腐。肉腐則爲膿，然不能陷，骨髓不爲焦枯。五藏不爲傷，故命曰癰。熱氣深甚，下陷肌膚，筋骨枯，內連五藏，血氣竭，當其癰下，筋骨良肉皆無餘，故命曰疽。疽者，上之皮大以堅，上如牛領之皮。癰者，

其皮上薄以澤。此其候也。病有形而不痛者。陽之類也。無形而痛者。陰之類也。無形而痛者。其陽完而陰傷之也。急治其陰。無攻其陽。有形而不痛者。其陰完而陽傷之也。急治其陽。無攻其陰。陰陽俱動。乍有形。乍無形。加以心煩。命曰陰勝其陽。此爲不表不裏。其形不久。身有五部伏兔。一腓二腓者。膈也。背三五藏之俞。四項五此五部有癰疽者。死。喜怒不測。飲食不節。陰氣不足。陽氣有餘。營氣不行。乃發爲癰。陰陽不相通。兩熱相持。乃化爲膿。其白眼青。黑眼小。是一逆也。內藥而嘔。是二逆也。腹痛渴甚。是三逆也。肩項中不便。是四逆也。音嘶色脫。是五逆也。除此五者爲順矣。素問曰。高粱之變。足生大丁。受如持虛。汗出見溼。乃生痤痂。○營氣不從。逆於肉理。乃生癰腫。○氣傷痛。形傷腫。先痛

而後腫者。氣傷形也。先腫而後痛者。形傷氣也。

金匱云。諸浮數脈。應當發熱。而反洒淅惡寒。若有痛處。當發其癰。師曰。諸癰腫。欲知有膿無膿。以手掩腫上。熱者爲有膿。不熱者爲無膿。

發熱而脈見浮數。證脈相應也。脈見浮數而反洒淅惡寒。是火鬱不得發越。若有痛處而飲食如常。必發癰腫之候。腫熱未甚。尤可消散。腫熱已劇。癰膿已成。後世用溼紙貼腫上。候其癰腫之頭。亦不出乎此意。

浸淫瘡。從口流向四支者。可治。從四支流來入口者。不可治。浸淫瘡。黃連粉主之。方缺

病機機要云。瘰癧者。結核是也。或在耳後。或在耳前。或在耳下。連及頤頰。或在頸下。連缺盆。皆謂瘰癧。或在胸之側。或在

兩脇皆謂之馬刀。手足少陽主之。此本膏梁丹毒火熱之變。因虛勞氣鬱所致。止宜補形氣調經脈。其瘡當自消。蓋不待汗之下之而已也。其不詳脈證經絡受病之異者。下之先犯病禁經禁。故致失手。且有兼痰兼氣兼血兼陰虛等證者。病本不同。治當求責。○瘡瘍者火之屬。須分內外以治其本。內之外者。其脈沉實。發熱煩躁。外無焮赤。痛深於內。其邪氣深矣。故疏通藏府以絕其源。外之內者。其脈數。焮腫在外。形證外顯。恐氣極而犯內。故先托裏也。內外之中者。外無焮惡之氣。內亦藏府宣通。知其_下在經。當和營衛也。用此三法之後。雖未愈。必無變證。亦可使邪氣_下峻減而易愈。

外科精要云。熱發於皮膚之間。浮腫根小。至大不過二三寸者。爲癰。六府積熱。騰出於肌肉之間。其發暴盛。腫皮肉光軟。

根脚廣大爲癰。五藏風毒積熱。攻焮肉骨。風毒猛暴。初生一
如蓓蕾。形自焦枯。觸之應者。乃疽也。夫五善七惡者。動息自
寧。飲食知味。一善也。便利調勻。二善也。膿稠腫消不臭。三善
也。神采精明。語聲清爽。四善也。體氣平和。五善也。煩躁時嗽。
腹痛渴甚。或泄利無度。小便如淋。一惡也。膿血大泄。腫焮尤
甚。膿色敗臭。痛不可近者。二惡也。喘麤短氣。恍惚嗜卧。三惡
也。目視不正。黑睛緊小。白睛青赤。瞳子上視者。四惡也。肩背
不便。四肢沉重。五惡也。飲食不下。服藥而嘔。食不知味。六惡
也。聲嘶色敗。脣鼻青。面目四肢浮腫。七惡也。五善見三則瘥。
七惡見四則危。然則病有源同。七惡者。乃皮緊急而知善也。
病有源同。五善者。乃皮緩虛而知惡也。是豈凡醫所知哉。
凡八初見發背。欲結未結。赤熱腫痛。先以溼紙覆其上。立視

候之。其紙先乾處。卽是結癰頭也。取大蒜切成片。如三錢厚。薄安於頭上。用大艾炷灸之。三壯卽換一蒜片。痛者灸至不痛。不痛者灸至痛。時方佳。最要早覺。早灸爲上。一日二日十灸。十活。三日四日。六七活。五六日。三四活。過七日則不可灸矣。若有十數頭作一處生者。卽用大蒜研成膏。作薄餅鋪頭上。聚艾於蒜餅上燒之。亦能活也。若背上初發赤腫一片。中間有一片黃粟米頭子。使用獨蒜切去兩頭。取中間切三錢厚。正安瘡上。著艾灸十四壯。多至四十九壯。此謂癰疽初發。宜灸之也。然諸瘡患久成漏者。常有膿水不絕。其膿不臭。內無反肉。尤宜用附子浸透。切作大片。厚三二分。於瘡著艾灸之。仍服內托之藥。隔二三日再灸之。不五七次。自然肌肉長滿矣。至有膿水惡物漸漬根深者。郭氏用白麩硫黃大蒜。三

物一處搗爛。看瘡大小。捻作餅子。厚約三分。安瘡上用艾灸二十一壯。一灸一易。灸後四五日。方用挺子。緋入瘡內。反肉盡去。好肉長平。然後貼收斂之藥。內服應病之劑。調理卽瘥矣。蓋不上宜灸於瘡之始發也。惟發於頭腦者。皆不可灸。頭

爲諸陽之會。灸之反助其火毒耳。

腫瘍。薛立齋曰。腫瘍者。以瘡瘍未潰而言也。經云。形傷痛。氣傷腫。又云。營氣不從。逆於肉裏。乃生癰腫。皆因膏粱厚味。七情陰火。或灸燂甘美積毒。氣血不和所致。當分其經絡所屬。五藏相勝。與元稟虧損。預爲審用。攻補調和之劑。速令散潰。尤當審其勢之腫漫。色之赤白。與痛有微甚。毒有表裏。若腫高焮痛。便利調和。邪在表也。宜表散之。腫硬痛深。大便秘瀯。邪在內也。宜下之。外無拘急。內則便利調和者。邪在經絡。

也。宜調營衛。腫焮大痛。或麻木不痛。邪氣凝滯也。外用隔蒜灸。內服活命飲。或歸著飲。尤効。無問何部分。但赤腫者必消。若煩躁飲冷。亦痛發熱。二便不通者。火熱內熾也。用四味清涼飲。或活命飲加大黃尤善。若微腫微痛。或不痛。陽氣虛弱也。參耆內托散。微黯微赤。或不赤。或惡寒而不作膿。或膿熟而不潰者。陽氣虛寒也。竝用千金托裏散。如此則未成者自能消。已成者自能潰。尤當別其屬陰屬陽。或半陰半陽而治之。若泥於腫瘍禁用辛熱之說。不分受證之因。兼證之經。槩行敗毒。泛擾諸經。誅伐無過。以致不能起發。或不能潰腐收斂。變證莫能枚舉。癰疽論云。腫瘍內外皆壅。宜以托裏表散爲主。但見腫痛。叅之脈證虛弱。便與兼補。氣血無虧。可保終吉。若腫瘍之際。治失其法。必致潰瘍之變證。此推內經之微

旨。而生平之微驗者。尤當觸類而長。愚奚庸贅。

潰瘍。潰瘍者。以瘡瘍膿潰而言也。膿潰而腫消痛止者。爲順。若膿潰腫痛。或發寒熱者。氣血虛也。十全大補湯。膿潰欲嘔。少食。脾胃虛弱也。六君子加炮薑。手足竝冷者。脾氣虛寒也。六君子加薑桂。不應。急加附子。膿潰而仍痛。或二便秘瀉者。熱毒未解也。清熱消毒湯。熱退而渴不退。津液不足也。八珍加黃耆麥冬山茱萸。熱止而小便頻數。腎虛也。加減八味丸料。若熱不止。或腫痛反甚。虛熱內作也。保元湯加清心涼血之劑。或熱退而肌肉不生者。氣血俱虛也。十全大補湯。瘡色天白。或陷下不斂。寒氣所襲也。五味異功散。佐以豆豉餅。膿血過多。煩躁不安。乃亡陽也。急用獨參湯。尤當審其腫之軟硬。飲食冷熱。與膿之稠稀多少。肉之赤色青黯。及瘡口之

收斂遲速。而投托裏消毒調補之劑。庶無變證。癰疽論云。潰瘍內外皆虛。宜以托裏補接爲主。蓋潰瘍之變證。由於腫瘍之際。治失其宜。虧損元氣所致。治者可不慎歟。

作痛不止。○瘡瘍作痛。當審邪之所在。證之所因。如寒熱而痛。邪在表也。人參敗毒散。便秘而痛。邪在裏也。清熱消毒湯。加白蜜。腫焮而痛。血凝滯也。活命飲。作膿而痛者。托裏消毒散。排膿脹而痛者。鍼之。膿潰而痛者。補之。氣虛而痛。四君子加歸耆。血虛而痛。四物湯加參耆。大抵形傷痛。氣傷腫。不知此數者。徒以乳香沒藥爲止痛之方。則非所以爲法矣。仍審五藏相勝相兼之證而治之。後倣此。

作嘔不止。○丹溪云。腫瘍時嘔。當作毒氣攻心治之。潰瘍時嘔。當作陰虛補之。此論其常耳。如腫赤焮痛而嘔者。熱毒甚。

也。活命飲。作膿而嘔者。血氣虛也。六君子加歸耆。便秘而嘔者。熱在藏也。清熱消毒湯。去生地。金銀花。加檳榔木香。寒藥服多而嘔者。胃氣傷也。六君子加桔梗柴胡。有肝氣乘脾而嘔者。有胃虛停痰而嘔者。有鬱結傷脾而嘔者。皆由脾胃虛弱。毒氣畜聚。治宜調補中氣。則正氣復而邪氣去矣。

出血不止。○瘡口出血。有因五藏相勝。陰陽不調。而血不止者。有因六淫七情之氣不平。而血妄行者。若因肝火內動。四物加山梔丹皮。肝經血虛。六味丸。心虛不能統血。四物加參朮丹皮酸棗仁。脾虛不能統血。四君子加山梔丹皮。脾虛鬱滯。歸脾湯。脾肺氣虛。補中益氣湯。氣血俱虛。十全大補湯。腎氣不足。而肝火內動。六味丸。梔子清肝散。加五味。大凡失血過多。而見煩熱發渴等證。勿論其脈。不問其證。急用獨參湯。

以補其氣。經云。血生於氣。苟非參耆歸朮甘溫之藥。決不能愈。若發熱脈大者。多不治。

肌肉不生。肌肉乃脾胃所生。收斂皆氣血所主。二者相濟以成者也。若肌肉不生而色赤。血熱也。四物加山梔丹皮。補熱內熱。血虛也。四君子加歸地丹皮。膿水清稀。氣血虛也。十全大補湯。食少體倦。脾氣虛也。補中益氣湯。煩熱作渴。起居如常者。胃熱也。竹葉黃耆湯。煩熱作渴。小便頻數者。腎虛也。六味丸。肉腐而不潰者。烏金膏。若肉潰而不斂者。六君子湯。外用珍珠散敷之。臭穢脈洪大。而作渴。乃真氣虛而邪氣實也。此爲難治。大凡瘡瘍久而不愈者。皆元氣不足。或因邪氣凝滯於患處。苟能調補脾胃。則元氣自足。元氣既足。則邪氣自消。死肉自潰。新肉自生。而瘡自斂矣。若不保其本。而槩敷

生肌之劑。是反助其邪。後更潰爛耳。

發熱不止。○瘡瘍發熱。初患乃毒氣所熾。已成乃內熾作膿。已潰乃血氣虧損。不可槩行敗毒。以傷元氣。蓋未成者。當分邪之在表在裏。將成者。當分邪之可攻可補。已成者。當分膿之作與未作。膿已成者。當分膿之淺深高漫。膿已潰者。當分痛之止與不止。若作痛而發熱者。活命飲。作膿而發熱者。托裏消毒散。膿出而發熱者。八珍加黃耆。午前發熱者。陽氣虛也。補中益氣湯。發熱作渴。小便頻數者。腎氣虛弱也。加減八味丸。膿血多而熱者。陽無所附也。十全大補湯。日將晡而熱者。氣血虛也。八珍湯。若無寐而熱者。內補黃耆湯。煩躁者。血脫也。當歸補血湯。自汗而熱者。胃氣虛也。四君子湯。惡寒發熱者。肺氣虛也。補中益氣湯。或四君子加黃耆。當歸亦有五